

समै – 12:25 hrs.

JK-Mines Auction

जम्मू-कश्मीर खनिज विकास दे इक नमे युग च प्रवेश करने जा करदा ऐ। कल्ल केंद्र शासित प्रदेश च चूना पत्थर ब्लॉकें दी अपनी चाल्ली दी पैहली निलामी करग। जम्मू दे कनाल रोड कन्वेंशन सेंटर च निलामी आहला प्रोग्राम लगगोग, जेदे च केंद्री कोयला ते खनिज मंत्रजी. किशन रेड्डी, मुखमंत्री उमर अब्दुल्ला ते उपमुखमंत्री सुरेंद्र चौधरी होर शामिल होडन।

<><><><><><><>

CS-Jammu Tourism

मुख सचिव अटल डुल्ल होरें कल इक मीटिंग दी अध्यक्षता कीती जेदे च जम्मू दिएं बक्ख-बक्ख सैलानी थाहरें गी इस चाल्ली विकसित करने दिएं पैहलकदमिं दा जायजा लैता गेआ, जेदे नै सैलानी पूरा ब'रा इत्थें औंदे रौहने। मीटिंग दरान सैलानी थाहरें दे ढांचागत विकास, रोमांच ते तीर्थ सरबंधी सर्किट ते इंदी बेहतरी ते बाददे लेई तरीकाकार पर बचार कीता गेआ। अधिकारिं इस मौके पर कटड़ा-शिवखोड़ी उत्तर वाहिनी-परमंडल, चिनाब रेलवे पुल, रंजीत सागर झील, मानसर ते एहदे अलावा रोमांच आहिलें गतिविधिं जियां राफ्टिंग, पैराग्लाइडिंग ते बंजी जम्पिंग गी बेहतर करने बारे गल्लकत्थ कीती गई। मुख सचिव होरें मते-मते सैलानिं गी आकर्षित करने, मती लम्मी अवधि आस्तै इत्थें रौहने ते स्थानीय रोजगार सृजन

करने लेई डिजिटल तरीके नै मशहूरी करने सार दे आधार पर सर्किट कायम करने ते डोगरी फूड फेस्टिवल ते सालाना हॉफ मैराथन आयोजित करने पर बी जोर पाया।

<><><><><><>

Kher-IFFI

फिल्म कलाकार अनुपम खेर होरें गोवा च लग्गे दे 56में भारती अंतरराष्ट्री फिल्म महोत्सव दरान कुल संसारी फिल्म बिरादरी गी अपील करदे होई आखेआ ऐ जे फिल्म निर्माता जम्मू-कश्मीर च फिल्में दी शूटिंग करने पास्सै ध्यान देन। अनुपम खेर होरें जम्मू-कश्मीर गी दुनिया च फिल्में लायक महत्वै आहली थाहें चा इक दस्सदे होई निदेशकें ते प्रोड्यूसरें गी अपील कीती जे ओह घाटी दी समृद्ध संस्कृति, मनै गी मोही लैने आहिलें कहानियें ते सिनेमा मुआफक सरिस्ते दा पता लान।

<><><><><><>

Mubarak Mandi Parking

जम्मू दी प्रतिष्ठित मुबारक मंडी च डोगरा विरासत थमां प्रेरित बहु-स्तरीय पार्किंग सुविधा विकसित कीती जा'रदी ऐ। जम्मू म्यूनिसिपल कारपोरेशन दे कमिशनर देवांश यादव होरें आखेआ ऐ जे डोगरा विरासत गी ध्यानै च रखदे होई निर्माण कीते जा'रदे इस नमें पार्किंग ढांचे दा मकसद आधुनिक स्हूलतां उपलब्ध करोआने दे कन्नो-कन्नी इलाके दे विरासती आकर्षण गी बरकरार रक्खना बी ऐ। उनें अग्गे आखेआ जे इस ढांचे च 200 गड्डियां ते 40

दोपहिया गड़डियां। कम्म पैहले गै शुरू होई चुके दा ऐ ते 12एं म्हीनें दे अंदर-अंदर पूरा होने दी मेद ऐ। अधिकारिएं दा आक्खना ऐ जे एह परियोजना जम्मू दे गौरव मुबारक मंडी गी परतियै ब्हाल करने ते संरक्षित करने दी व्यापक योजना दा इक्क हिस्सा ऐ।

<><><><><><>

Search-Operation Samba

सीमा सुरक्षा बल जम्मू ते जम्मू-कश्मीर पुलिस दे विशेष कार्रवाई सरबन्धी बलें शनिवारें साम्बा जिले दे रीगल ते मावा ग्रांs च सांझा तपाशी अभियान चलाया। इस कार्रवाई दा मकसद बन्ने आहले इलाकें च सुरक्षा गी निग्गर बनाना हा। सुरक्षाबलें संवेदनशील इलाकें दा जायजा लैता ते कुसै बी शक-शुबे आहली गतिविधि गी रोकने लेई तैयारी कीती। सुरक्षा एजेंसियां घुसपैठ गी रोकने लेई चौकस न ते इलाके च अमन-शांति गी यकीनी बनाई रखने लेई कम्म करा करदियां न।

<><><><><><>

Prog. Announcement

आकाशवाणी जम्मू दे प्रांतीय समाचार एकांश आसेआ 'महिलाएं खिलाफ हिंसा दे समूलचे उन्मूलन आहले अंतरराष्ट्री ध्याड़े 2025 दे सिलसिले च 25 नवंबर 2025 गी 25एं मिनटं दे इक बशेष परिचर्चा प्रोग्राम दा सरिस्ता कीता गेदा ऐ। इस विशेष प्रसारण दा सरलेख ऐ “महिलाएं खिलाफ हिंसा गी खत्म करना ते जागरूक होइयै इक सुरक्षित समाज दा निर्माण यकीनी करना”। इस बशेष प्रसारण दा समां रौहग औंदे संगारें 24 नवंबर गी दपैहरी 12 बजे।

इस बशेष प्रसारण च परौहिनियां होडन फरहत निशात जेड़ियां जम्मू-कश्मीर पोलीस च बतौर डिप्टी सुप्रिंटेंडेंट तैनात न। इस प्रोग्राम च ओह् विशेषज्ञ दे तौर पर अपने बचार सांझे करडन। इस प्रोग्राम दियां सूत्रधार होडन श्रुति खजूरिया। एह् कार्यक्रम स्हाड़े इस्सै चैनल पर मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर सुनी सकदे ओ।

<><><><><><>

Bharat Darshan Tour

जम्मू-साम्बा-कठुआ रेंज दे डी.आई.जी हारें नोजोआनें तोड़ी पुज्जत बनाने सरबंधी इक मुख पैहलकदमी तैहत कल साम्बा जिले दे 93 विद्यार्थियें दे इक दल गी भारत दर्शन दौरै पर झंडी दस्सि रवाना कीता। जम्मू-कश्मीर पुलिस दे नागरिक कार्रवाई प्रोग्राम तैहत एह् विद्यार्थी दिल्ली होंदे होई हैदराबाद जाडन। एहदा मकसद तालीम मुतल्लक तजुर्बा हासल करोआना, सांस्कृतिक समझ गी बेहतर करना ते राश्ट्री एकीकरण गी बढ़ावा देना ऐ।

<><><><><><>